


А. РАДМЫСЛОВ



1941

საბჭოთა საბავშვო გამყარება



ЛНАЛНИ ЯЛОНУЛО

Май 1941



СЪОБЩЕНИЕ

1941

ЖОЛНИ БОСИЗОЛТ  
ОСОБЖТИ И ЖАРО

*Обложка и рисунки худ. М. Безносова*

**АНАНИЙ РАЗМЫСЛОВ**  
**ПЕРВАЯ ЛЮБОВЬ**


*Стихотворения*  
*на коми языке*

Отв. редактор *Д. Конюхов*. Тираж 1500 экз. Подписано к печати 7-VI-41 г. Ц 2116. Печатных листов 2,75. Авторских листов 2 5. Цена в бумажном переплете 4 руб. без переплета 3 р. 35 коп.  
Заказ № 1301.

---

Республиканская типография  
Коми АССР, г. Сыктывкар,  
Дом печати.







## ЫДЖЫД НИМЛУН

Сьөлөмъяс, радуйтчөй,  
Шондйй, дзирдав!  
Сьылөй и гажөдчөй,  
Быд сикт и кар.  
Быдлаын талун ми  
Нимкодьөн вирдалам,  
Пасйигөн Сталинлысь  
Квайтымын ар.  
Квайтымын во!  
Абу весьшөрө олөма—  
Өти лун сьлөн  
Абу тай руд.  
Бур бать моз пиянлы

Абу тай повлөма  
Шедөдны мянлы  
Гажлун и шуд.  
Му вылын сэтшөмтор  
Муса мөд абу,  
Йөз костын сэтшөми  
Абу мөд морт!  
Сы вөсна чолөмөн  
Горөдам ставөн:  
Уна во олөм тэн,  
Вождь, Сталин өрт!  
Уна во—уна шуд,  
Йөзлы и аслыд!  
Юракыв, вына шы,  
Чужан му пыр.  
Ним тэнад лоас мед  
Знамяөн ставлы,  
Уна сюрс вояе чөж  
Му пасьта пыр.

## ПРАЗДНИК АСЫЛӢ

Сӧмын на садьмам,  
А мянлы кылӧ нин  
Репродукторысь праздничной марш..  
Ворсӧ-гыалӧ долыд сьылӧмӧн  
Арся ывлаын тувсовъя гаж.

Тадзи думыштан:  
Шуда йӧз ми.  
Кутшӧм шань мян рӧдина мамным!  
Шуда том кадӧ гажлунлӧн би  
Некор мяянысь оз вермы ямны,

И ми казътыштам:  
Мыйдаӧн сӧк,  
Революция асылын петлисны  
Смертной кось вылӧ,  
Вӧльня мед  
Налӧн пияныс му вывти ветлисны.

И дзик сы вёсна некор не торкны  
Миян чужан му динё любовь,  
Мый эз жалитны батьяным коркё  
Пияц шуд вёсна ассышыне лов.

И со талун,  
Кор чужан му дзордзалё,  
И кор гажлунён ывлаыс тыр,  
Миллионъясён тувччаліг, орчён,  
Чужём вылысь серьёзность оз быр.

1940 во.

## ДЕМОНСТРАЦИЯ БӐРЫН

Збоя тувчисны рад бӐрся радъяс,  
Веретьӧ батьяскӧд нывъяс да пиян...  
Со и мунисны...  
Ӑвтчисны флагъяс...  
Налы бӐрвылас макайтӧ киӧн.

Видзи чолӧм ме ыджыд Октябрлы,  
А со лов вылын быттьӧкӧ Май кодь,  
Быттьӧ, шондӧ аръявыв кадлысь  
Кӧдзыд кымӧрыс ньӧти оз сайкӧд.

И быд синъясын дзирдалӧ нюмыс.  
Дзик жӧ сӧдзи, кыз тулысын сынӧд.  
Жӧдзис площадьвыв тувсовъя шумӧн,  
Сӧйӧ горалӧ гажӧн да вынӧн.

Кежис медбӧръя рад улич сайӧ,  
Збоя тувчисны зонъяс да нывъяс.  
Сталин ӧрт йылысь сьылӧсны найӧ,  
Сӧйӧ горӧн жӧ горалӧ ывламыс.

Сійö горыс мем сьöлөмөдз йиджис...  
Пыр на öвтчöны флагыяс син водзын,  
Накөд мөд воөдз прöщайчиг, гижиги  
Ассьым сьыланкыв—праздниклы козин.

Мыйда морöсын гыалис радлун,  
Мыйда гажлуныс сьöлөмсянь петис—  
Сети ставсö көть ас му томкадлы  
Тайö здук праздник лунся приветөн!

1936 во.

## ПЕРВОЙ МАЙ

Эзысь сынөдөн енэжыс пöльтчö.  
Кыз нö гажмöм лов вывлань оз кай?  
Алöй флагъясөн, сюрс кöлököльчикөн  
Локтö таланьö веж тöлысь май!

Ставөн горöдлам öтувъя чолöм,  
Юргас мед тувсов музыка шы!  
Кыз нö та дырйи оз йöкты сьöлöм?  
Кыз оз кышты тан том гажлөн гы?  
Лэдзлы сынөдас, завод, гудоктö.  
Пальöд ывлалысь ылалöм садь!  
Алöй флагъясөн, йöзъясөн локтö,  
Локтö таланьö веж тулыс кад.

Апрель мыйкö тöрыт  
Кöдзыд йылысь сöрис.  
Тулыс помлөн тöвкөд гөрөд  
Галун ори шöри. •

Шөри ори  
Визув ю.  
Тувсов горөн  
Жувгө юр.  
Мича нывлы —  
Муса зон...  
Серав, ывла!  
Төвлы пом!

Югыз лөз кадөй, кутшөм тэ том!  
Гөгөр вын тэсянь ыпъялө биөн.  
Аддзан туйыс со мый кузя миян,—  
Некөн шудлунлөн оз тыдав пом!

Аддзан, Май!  
Аддзан, кымышөн ми!  
Мыйда надея синъясын ломзё!  
Кумач флагъяён шамырт став мир,  
Му и саридзвыв сөдз нюмөн ловзёд!  
1933 во.

## ТУВСОВ СТИХ

207

Съивны-ө мен талун тулыс йылысь,  
Көть и съөлөм, быттьö, корö,  
Кор став ывлавылыс гажөн съылö  
Не морт вына съылан горөн?

Ог, ог кут. И панъясьны ог мөдлы;  
Öд кор шондi радлун кöдзö—  
Тулыс съыланкыв оз кор поэтлысь,  
Сийöс ачыс съөлөмъясын тэчö?..

Май лун! Мый ме тэныд сета?..  
Аски, шондi кыпöдчигөн,  
Тувсов ывла вылö пета  
Вын и вежөр чолöмавны стихөн.

Ыста ме став аслам морöс биөн  
Чолөм сылы, кодi чужан мулы  
Аслас мудрöй, вына киөн  
Сетис шуд и гажа тулыс.

## П О Э Т

Медводдзаысь коми вöрын  
Войся пемыд пиын сьылöм  
Надзöникöн Парма шöрын  
Вöли Войтöв соркöд кылö.

Сьыліс том поэт.  
И унійыв  
Сылы гөгөр кывзысисны;  
Югыд асыв, шаньджык лунъяс  
Сыланкывъяс виччысисны.

Но сьöд кунöрлы шань сьылöм  
Кажитчöма вывті туйтöм...  
Вöчис бушков...  
Нуис ылö...  
Да поэтöс четвертуйтіс...

Асыв йылысь гаралісны  
Шонді лучьяс.

Накөд вореіг  
Войтөв, Парма—  
Казьтылісны  
Өтчыд кывлём сылангорсө.

Оз нин сьыв поэт...  
Но пыр тан  
Сыланкыв ми сылысь кылам,  
И ми шуда лунö пыртам  
Гажаджыкөс сыысь сьылём.

Немыд вой көть шуд эз сетлы,—  
Өні шудсө асьным вöчам...  
И со медводдза поэтлы  
Памятник ми талун тэчам.

1939 во.

## МЕНАМ ШУДЛУН

Ассым шудлун вöлись гөгөрвон;  
Өнi тöда,  
Кытчö кöть ог мун:  
Югөр койö меным  
Рытъя войö  
Менам шудлун—  
Менам чужан му.

Менам шудлунöй  
Эм менам томлун,  
Кыпыд сьöлөм,  
Киподтуя удж.  
Миян восьтерлунөн  
Кузяла кöть вомлөс  
Повтөг Войвыв саридз вудж.

Чужан му тэ менам,  
Синмөн судэтөм,

Тэнад вынлөн артавлтём ном.  
Пёрысьмам ми... Мудзам...  
Тэ пыр мудзтём...  
Тэ пыр лунысь луно лоан том.

Кыз не радейтчёмён мян овны,  
Олөмыс кө долыдлунон тыр.  
Сетам ассыным ми  
Тэныд томлун,  
Том мед вөлін  
Нэмыд кежлө пыр.

Менам шудлун—  
Сійё шуда Аски.  
Миян кузь туй  
Джынвыйын оз өр.  
Югыз кадын аддзысьлам на, гашкё,  
Паныдасьлам,  
Ичөтдырся ёрт!

Розъявны  
Став вөльной муыв пасьта  
Кутас енэж улын гажа сад...  
Паныдасьлам!  
Пышйём вояс казьятам...  
Кыпид томлуннымлысь  
Визув кад!

Визув кад!  
Тэ вунны дыр он вермы.

Төда—  
Коркө казътылантор сюрас.  
Сійөн аслым пыр ме шуа:  
Тэрмась овны талун  
Тыр олөмөн бура.


Шуа аслым:  
Олөмысь ог дөзмы.  
Сійө гажөн  
Морөс пытшкөс пестө.  
Мый коть став олөмыс—  
Йөзлөн?  
Сэни неуна и менам места.

Сы вөсна и меным  
Татшөм долыд,  
Морөс пиысь  
Сыланкыв оз куслы,  
Сы вөсна ме  
Ловтыр гажөн ола,  
Видза сьөлөм пиын  
Помтөм муслун.

1936 во.



СЕРПАСЪАС





\* \*

\*

Киссьём доддын олмыс кор мунис,  
Кыские олөмсө  
Лёк кляча вөв,—  
Сийö кадыс йөзлөн важөн вуни,  
Нуис сийөс ылö  
Бушков төв.

Вежсьö олөм.  
Дипкө чорыд сьөлөм.  
Пöрысь нэма гөр со чергөдөма кок,—  
Бөръя лунъяс шор гуранын олö.  
Көрт вөв вылö дзоргö—  
Босьтö шог.

Быри сылөн певажёнъя выи.  
Онi оз нин муэжвывесö йирлыв.  
Быттьö йирмөг—  
Посныдика тiрзьö  
Гора ывла вылын  
Амысь пинь.

Отнас юкö ассьыс шог и гажсö,  
Некод сы дiнö оз лок, оз кор.  
Кулацыйын вöталö, дерт, важсö...  
Нетшкö сылысь  
Сiсь лöп  
Визув шор.

Важся кöзяиныс  
Трактор вылын гөрö,  
Сiйö чужöм вылын—  
Олöм öдлөн нюм.  
Оз нин лёк вöв вылö горзы, скöрав,  
Гөрбыль мышкөн  
Гөр бөрся оз мун.

1932 во.

## АСЪЯ СЕРПАС

Жынгыртчöма \* арся енэж—  
Вывті гудыр.  
Көдзыд войтөв вынтөг лөнис  
Паськыд лудын.  
Сыркакылө асья сынөд  
Гумладорын:  
Вартан машиналөн шыыс  
Кылө гора.  
Кодъяс сәні татшөм йөзыс,—  
Зумыд шыа?  
Кодлы мелі югөр резө  
Асья кыа?  
Кодлөн зымакылө выныс  
Став му вылас?  
Кодлы тайө рөмыд сынөдыс  
Пыр сьылө?  
Тайө, тайө ставыс—

---

\* Жынгыртчöма — йөжгыльтчöма.

Шуда мувыв пиян!  
Тайö йöзлысь гöльлун жургöдö  
Удж миян.  
Тайö — миян топыд сьöлöм  
Öтув пуö.  
Миянсьыным удж шы тöлыс  
Сьылö-пуö.  
Чолöмалö петысь шондiсö  
Зиль войтыр.  
Кыпыд вынөн сьöлöмъясныс  
Налөн ойдö.  
Киньяс резö рöмыд сынöдö  
Збой асыв,  
Войся лысва кайö тынынөн  
Турунъясысь.

1933 во.

## ПАСЬКЫД ЕНЭЖЫС

Паськыд енэжыс Сөвет му весьтти,  
Сэтцём джуджыд да лөзалаң сөдз,  
Ставсө отчыдйөн лолыштаң эськөн,—  
Морёс йөрышыд сөмын оз лэдз.

Мыйда вöляяс, гажлуныс мыйда!  
Сылысь лэбачён сынöдыс тыр...  
Лунтыр видзöда, енэжысь кыйöда:  
Уклад лэбачьяс жургöны пыр.

Сийö лэбачьяс вылын геройяс,  
Водзö лэбöны пöткаяс мөз.  
Зумыд вынйөрөн, вежöра-збойён,  
Кызди мөдлаын некöни оз.

Самолёт төла сынöдсө чашйö,  
Гашкö, полюсö восьтö выль туй,  
Саридзсай муö төвзьöдö, гашкö...  
Кöть мед кытчö, пыр сия—бур туй!

Мед нө Войвылыс кымөрөн пөлтчө,  
Оз веж туйвизьсө гөрд самолёт.  
Водзө лэбзьё пилот-комсомолец:  
Чорыд кипод, моторыс оз чот.

Паськыд енэжыс Сөвет му весьтын,  
Сэтшөм джуджыд да лөзалан сөдз,  
Форша өтчыдйөн лолыштан эськөн—  
Морёс йөрышыд сөмын оз лэдз.

Лэбззы, лэбачöй! Сынөдсө дзенөд!  
Паныд вөрөглы, ковмас кө, мун.  
Өд ми радейтам ассыным енэж,  
Сідз жө, кыдзи и ассыным му.

1936 во.

## СТРАДНА СЫЛАНКЫВ

Куткыр козйёс личкё ун.  
Кутшөм лөсьыд ыркыд гожсай!  
Ывла вылын мича лун  
Видэвыв турунъяскөд ворсё.

Дөрөм улын—  
Ньылөм шор,  
Швичкё турун  
Коса дор.

Сэн—колхоз,  
Тан—колхоз,  
Пуё отув удж.  
Видзьяс вылын  
Вай эн ылав,  
Збойлун кутны куж!

Дышөн ворсны тан оз позь,—  
Зэв өд ёна сотё шонді.

Яра

Турун вöсна ыджыд кось  
Кыпöд веретяті, сёнті.

Ыджыд косьын —  
Вермём тыр.  
Уджö босьтчы  
Пырысь-пыр.

Лун и вой,  
Вой и лун, —  
Крепит вына сой!  
Шыбыт бокö  
Гудыр ун, —  
Тэнö удж оз сёй.

Сьökыд гожеся страдна удж,  
Вынөн чардышт парма дорті.  
Визув ёльöд повтöг вудж,  
Збоя сьыв, ударник ёртöй.

Ыджыд косьын —  
Тэкöд став,  
Сöмын ёся  
Нырщикав.

Сэн — колхоз,  
Тан — колхоз,  
Пуö öтув удж.  
Видзьяс вылын  
Вай эн ылав,  
Збойлун кутны куж!

## ЛЫЖИ ВЫЛЫН

Тайё серпасыс  
Енэжын төдчө:  
Пуксысыс шөнді  
Да дзирдалыс лым.  
Чизыр төв бөрся  
Лыж вылын вөтча,  
Өддзём бедьясыс ки улын ным.  
Здукөн ышмыла...  
Кыз гөгөр чукыльта,  
Тола-гуранөд тшынода бус.  
Вывлань горөда...  
Йөлаөн юкыштас  
Сөдз дон сынөд,  
Быд гыөртөм куёт.

Корсян мудзём,  
А вирыд пыр пузьё,

А век шоналан,  
Кокнялан пыр, —  
Вөтча төв бөрся  
Чарөм туй кузя,  
Кытчөдз морөсын лолөй оз быр.

Төдса кыркөтшөд  
Дом динө кая,  
Сьөлөмшөр нывлы горөда ме:  
— Муса Машук,  
Кыз гыөръяс сайысь  
Петав лым вылө,  
Иславны пет!

1935 во.

(20 рт 90 р 5)

## ТУЙ В Ы Л Ы Н 16

Пöрысь бaтьмамлы веськыд ки сеті, 34  
Узысь чой-воклысь эг вöрзöд ун...  
Ыджыд туй вылö асывводз петі  
Шонді петандор. Ылын на лун.

Асыя ру ниö чужан сикт коли.  
Водзын—шонді да помтöм му-вöр.  
Сьöллöм сыланкыв налы ме доли,  
Кывзі азыма ывлалысь көр.

Уна туй вылын каръяс да сиктъяс,  
Пыра керкаö, кызи важ гöсть.  
И быд көзаяка узянін ликтö, *ac*  
Зіля лöсьöдö вольпасьвыв пöсь. *ac*

Нывъяс рытъясын кутлöны чöскыда,  
Тувсов рытпомъяс муслунöн тыр.  
Кыа куслытöдз сиктса том йöзкөд  
Гудök шы улын гуляйтла дыр.

А кор сы бёрын, туй вылын бара...  
Сяргё ээр либё чизыртё төв...  
Лэдза шапка лэб... Шутляліг яра,  
Сыланкыв сорён воеслала ээв.

Вольной туй вылын вая шогъяс вунёны.  
Долыд сёлёмён тувччалаң пыр.  
Лёсыд рытъявыв ыркыдөд муны,  
Вояс водзвылысь гаж адзигтыр.

1937 во. *Водз. вольсэ*

*Ыркыдөд рытъявыв  
Лёсыд рытъявыв муны*

## ТӦЛЫСЯ ВОЙӦ

Мед нӧ неуна кӧдзыд и неуна сӧр,  
Кыла сьӧлӧмысь ыджыд лача,  
Мекӧд орчӧн со мӧви сяма ёрт,  
Сӧмын ме сійӧс ӧтнассӧ аддза.

Лӧньӧм кар вывті ветлӧдлім дыр,  
Тӧлысь надзӧник енэжӧд кывтіс...  
Ёртлӧн варовлун помтӧм, эз быр...  
Ошкис, висьтавліс ярзӧмӧн вывті.

Ошкис тӧлыся лӧнь ывлавыв,  
Кутшӧм гӧгӧрыс гажа да мича.  
Сӧсся ланьтіс, и мен сетіс кыв;  
Кисӧ кабырті да вочавидзи:

—...Эстӧн, ылын зэв... Коми сикт эм...  
Асыв-войвылын, пармаын, ёртӧй.  
Сәні чужлі и быдмылі коркӧ,  
Колли гажаа ассым том нэм.

Сәни татшөм жө төлыся рыт,  
Лөзов югьдөн ойдөма ылөдз.  
Сән оз дугдывны том йөз войбыд  
Сьывны, йөктыны зурыд туй вылын.

Эзысь тугьяса сулалө коз,  
Лунвыв йөр дорын, гыөртөм садьын...  
Төда, талун оз өти том гоз  
Төлысь вылө и муслунлы радлы.

Муса ёрт, ломзьө дон морөс пытш!  
Видзөд, мичлуныс, муса ёрт, татөн,  
Видзөд, төлысьлөн дзирдалан кытш  
Кутшөм кажитчө матын, зэв матын.

Лөня вашьялө енэжлөн пи,  
Мый нө сылөн кө югөр оз шонты:  
Найө кокнялөм сьөлөмын—би,  
Найө радейтчысь синъясын—шонді.

1936 во.

\* \*

\*

Рөмьд рытө кыа кусө,  
Машлөн коклябөрыс лудө:  
Локтө пароходөн мусук—  
Вайө запаныысь выль гудөк.

---

И Чуньяс улын гудөк тэрыб,  
Лывкъякылө морт шы горөн:  
„Видза коляд, багыр-черөй,  
Локта гортө мусук дорө“...

Кык яг костын, Эжва пөлөн,  
Сыланкывлөн горыс гажа:  
„Муса Машук, муса вөлін,  
Өні нөшта муса, Машө“...

„Мый нө, Степан! Эн тай весь өд,  
Вөв тэ медся бур ударник!“

Йөкты, Степан, вывті лөсьыд,  
Джоджыс кузя сяркнит-шаркнит“...

Гажа шытöлыс оз йөрмы,  
Юргö йөлöгаөң ылö.  
Дивуйтчыныс оз вермы  
Бівлавылыс ставыс ылö.


Гудök гажлөн вынйөр содö,  
Кокшы тшöкмö, нöшта тшöктö...  
Быттö тшötш и пароходыс  
Көлесаяс ылас йөктö.

Тювгö сійö Әжва шөрөд,  
Гыс нүлö берг дорсö...

---

... Машö лэччö вадөр йөрөд,  
Чужöмбакас нюмы ворсö.







\* \*

\*

Рытъя кыа лөнъкөд тэ он рөдмы,  
Дугды дөзмөдчыны, войтөв-швичкун.  
Мый көть шу, а тэ он төд вөд  
Шондi пуксян кадлысь мичлун.

Меным сийö бура төдса.  
Кыла енэжыслысь шоньд ловшы.  
Керка, кильчö өдзöс абу пөдса—  
Сьөлөм пиын том гажлы өз овсьы.

Аттö, гожся рөмыд гора рытöй,  
Кутшöм вöччöмыд тэ Эжва пөлөн!  
Мича рытöй,

Мыччы меным китö,  
Окышт банöс небыдик лунтöлөн.

Гожся рытöй, удж вылын тэ суин  
Талун менö, вемöдз ынмöm мортöс,  
Тэныд нюмъевтi да гусьөн шуи:  
Тарыт узыны ог мун гортö.

Тавой синмöс здук кежлö ог куньлы,  
Киён-кокөн ывлавывкөд йитча.  
Аски асывводзö выльмöm лунлы  
Киöс веж луд вывсянь мычча.

1935 во.

\* \*

\*

Пемыд вөр, тэнад көніджык пом?  
Көні пемыд тіль помасьö тэнад?  
Кымын пөткалысь пөткөдлин вом;  
Кымын зверөс тэ быдтін ас дінад?

Тэныд шутлялө чизыр вөйтөв,  
Сыкөд өтвылысь өтнадлы сыылан.  
Тэнад сылөмад гожөм көть төв  
Өткодь гажтөм вөт лэбалө кылө.

Сөмын радейта сьөлөмсянь ме  
Тэнө гожөмын, арын, көть төлын,  
Кышд сьөлөмөн тувччала век  
Мойдысь вөр шытшті, векныд туй пөлөн.

Ме пыр казяла тэнсьыд кузь мөвп,  
Тэныд сы вылө вочакыв видза.  
Козья сьөд вөр, тэ муса мен зэв,  
Шог и гаж тэнад -  
Сьөлөмөдз йиджө.

1932 во.

## ЛӨНЬ ВОЙӨ

(Серпас)

Дыр ветлі дзурыд туйвыв кузя,  
Зэв лөнь и мича войшөркад.  
Оз унмөй лок, көть ставыс узьө,  
И гортө пырны абу рад.

Сэзь вой.

И төлысь сэтшөм вылын—  
Лөз енаж весьтын өтнас дзик,  
Кызд өні өтнам ме туй вылын.  
Лөнь-чөлө вөйөма став сикт.

И сөмын лымйөд дзуртө көкшы,  
А сувтан—  
Сэтшөм шы ни төв!  
Пель пиын тиньгө,  
Сувтө ловшы.  
Ой, кутшөм гөгөр ставыс чөв!

Чу! Көнкө кылыштіс ныв серам...  
Мый?.. Кажитчис-ө, кыліс көн?..  
Но сөмын кылө сьөлөм вөрөм,  
И гөгөр—вемөдз йиджан лөнь!

Кызд дзугны тайө лөньсө меным?  
И тырмас оз нө эськө вын...  
Кор быттьө кымөм  
Му и енэж,  
И быттьө төлысьыс тшөтш кын?

1938 во.

## Б У Ш К О В

Өтнам гортын пукала.  
Немыд и зэв чөв.  
Сөмын ружтө бушколөн  
Ывла вылын төв.

Сыкөд шувгө отлаын  
Өшинь улын сад...  
Милөй динө ветлыны  
Вөлі эськө рад.

Сөмын ставсө тыртөма  
Туй и кильчө дин...  
Керкаёс тиётти пыркөдө  
Ывла бушков вын.

1939 во.

## ТУЛЫС

Луншөркад. Дзирдалө шондї.  
Гажпырысь лым гөгөр сылө.  
Өшинов гожводзын помтөг  
Челядълөн чилзөм шы кылө.

Польдөма юыс йи улын,  
Дзольгöны, бузгöны шоръяс,  
Со өд и воис ни тулыс,  
Менам дыр виччысянторйöй!

Тулысöй! Лов кыптан кадöй!  
Ылйөдз юралан шыяс!..

Нюмзвöны, мусаөсь, радöсь,  
Кокни пасьтасьöм пывьяс.

Енэжыс помтөм ми весьтын,  
Лэбачьяс сильгöны вылын,  
Тувсов лөз енэж кодь сөстөм  
Челядълөн лув-лявакылөм.

\* \*

\*

Воліс ар... и со жугыльтліс мусö,  
Сöмын йöзыслысь гажлун эз кусöд.  
Воліс ар—кельдліс мöдлапöв визь—  
Муса ныв зарни синва эз кисьт.

Коркö унаысь зэв  
Ёрлі арся кад ме...  
Сöмын öнi ме мöд,  
Важся тöждлун ог тöд.  
И кöть тулыс, кöть ар—  
Пуö сьöлöмын жар.

Воліс тöv... и став муыввсö кынтліс,  
Сöмын морöсысь пöсьлун эз чинтлы.  
Воліс тöv... Олім янöсөн дыр,  
Сöмын милöйлөн муслун эз быр.

Коді тэнö оз тöд,  
Еджыд дукöса тöv?

Быдсөн шуоны тадз:  
Тöлыд мунлас на тась,  
Югыд тулыслөн кад—  
Здукөн вежөдö сад.

Воліс тулыс... и регыдөн коли,  
Лэбач-сыланкыв ывлавыв долис...

Воліс тулыс... О, небеса гуг!

Милöй мөд сайö мунöма друг.

Аттö дивö... Сёмор.

Мыйла кватитчи сёр?..

Со нин енэжыс дон.

Тулыс ылөдіс, зон...

Висьтав, мыйөн да кыт

Гожея гажтөмджык рыт?

Воліс гожөм... а сьөлөмөй нокеис...

Коркө өтчыд мен, видз вылысь локтіг,

Орчча видзвывса, ёль синма ныв

Шуис гусьöник пöсь сьөлөм кыв.

Бара чепөсийис вир,

Бара лачаөц тыр.

Вайö меным быд здук

Мыйда гажлунсö, друг.

Мый нö локтö кө ар—

Менам сыланкыв яр,

## АРСЯ ВОЙЫН

Арся луныс өдйөн сёрмө,  
Кымөр улө дзебсис кыа.  
Ланьтис сиктын ныв-зон сёрни,  
Ори сыланкывлөн шыыс.

Том йёз муртса на со петлис —  
Ворсаншысь пырө важөн...  
Арся войяс, мыйла нө ті  
Абу тувесов пога гажа-сь?

Быттьө неважөн на сёмын  
Ворсис Эжва эзысь серён.  
Неважөн на вөлі щоныд, —  
Оші лун-лун сільрө-зэрө.

Кымөръясөн енэж гудыр,  
Кодзув котырөн оз дзирдав.  
Оз ворс ывлавылыс шудён,  
Көдзыд төвру сёлём йирө.

Увгö кыз пу дорын войтöв.  
Нетшкö қельыд зарни коръяс,  
Быттö гырысь синва войтъяс  
Гылалöны кильчö дорö.

Гашкö сійөн сёлём доймö,  
Мөрöс пытшкысь гажлун ямö,  
Мыйла нывка менö, зонмöс,  
Оз нин радейт тувсовъя моз.


1932 во,  
октябрь.

## ЫЛӦ ЛЭБӦНЫ

Арся гудыр  
Енәжті  
Бордйӧн вартіс,  
Шеныштіс  
Тури-дзодзӧг гез.  
    Найӧс  
    Коми войтырысь  
    Вӧтлӧ ылӧ  
    Войтӧлыс,  
    Кӧні тӧдтӧм йӧз.  
Кӧдзыд руӧн  
Ымрӧдлӧ  
Войвывсянь  
Руд кымӧрыс.  
Жугыльтчӧма рас.  
    Шогӧн ывла  
    Тырӧма,  
    Вӧрва вылын  
    Бырӧма  
    Тувсов лэбач гаж.

1938 во.







## ӨТКА ЗОН 14

Парма шөрүн, карсянь ылын, 26  
Көні пыр зэв лөнь,  
Ичөт сикт әм вөлөк вылын—  
Өтка скөнь.

Кыз пу дорө, көні лудыс  
Дзоридзьясөн тыр,  
Быд рыт волө өтка гудөк,  
Өтка пыр.

Гудөк ворслывлө зэв нора,  
Ворсө өтка зон.  
Мыйкө сьылө, мыйкө корө  
Гудөк тон.

Сійö сьöлөмшөрсө виччө.  
Ломзё морөсвыв, —  
Төвнас ылө, карө лэччис  
Сылөн муса ныв.

Бөръя рытö сійö шуис:  
— Эн кут сьöлөм шог:  
Водзö муны бурджык туйөд  
Пуктi аслым мог.

Велөдча да татчө вола,  
Адзысьлам на тай...  
Медбөръяысь вылө нолы  
Талун окышт вай. —

---

Пыр на гудөк ворслывлывлө,  
Нор зэв ворсанног.  
Том зон частö шогсьывлывлө,  
Мыйла ныв оз лок.

---

Отка кыз пу корсö вежис —  
Важног өтнас дзик.  
Том зон миртуй вылө кежис,  
Көлиц ичөт сикт.

Босьтис гудөк, пельпом вылас  
Волысалис көв.  
Адзөдлыны карысь нылө  
Ковмис сылы зэв.

Сиктса зонмӧс ныв эз виччысь,  
Важӧн эз кут мӧвп.  
Верӧссайӧ велӧдчигӧн  
Муніс кольӧм тӧв.

Сэтӧр синъяс лэдзӧ муӧ,  
Чукрӧдлӧ синкым!  
Нывка зонлы тадзи шуӧ:  
— Кежис туйясным.

Верман кӧ, вай менӧ вунӧд.  
Сна шуда нэм...  
Мича нывъяс чужан муын  
Метӧг уна эм.

Вӧльнӧй муыс тай зэв паськыд,  
Мӧдкӧд оз ло шог.  
Мун да сӧсся эн жӧ казътыв  
Менӧ омӧльног.

Воши зонлӧн томлун эбӧс,  
Вочакыв эз сюр.  
Морӧс вылӧ надзӧн лэдзис  
Кудриа сьӧд юр.

Курыд нюм пыр сӧсся кайтіс:  
— Ӧткӧнлы зэв шог,  
Курсъяс вылӧ пырны чайта,—  
Вежа оланног...

Куті лача... Сьӧллӧм косьті,  
Виччыси кык во...

Тайо тулыс гажтөм босьтис,  
Мыйла дыр эн во.

Өні казялі ме вөлись,  
Эг тай муса вөв...  
Пельном вылын гудок көлыс  
Сьөкыд лоис зэв.

Мый нө вөчан тэныд эг кө...  
Сьөлөмөдзыд письт?..  
Лоа МТС-ын регыд,  
Медбур тракториет.

Муелун морөсысь оз пактав,  
Сийөс ачыд төд...  
Лоас муса меным трактор,  
Кыззи муса тэ...

---

Луншөр пөсьсө төвру венө,  
Ывлаыс зэв шань...  
Помтөм муяс, помтөм енэж,  
Быдмө помтөм нянь.

Мый сэн кузьлунтырөн варгө,  
Дугдыны оз чайт?..

Мича шобді вундө, вартө  
Ыб вылын комбайн..

Гыөн шензбысь сюяс водзын  
Тірзбё потшёс сер...  
Нюмъялө дзик шонді мозыс  
Том ныв—комбайнер.

Радлунысла нылёс босьтё  
Сыланкыв задор...  
Код нё сэтшём том да восьтер  
Трактор вылас морт?

Чужёмвылыс гажён ыпйё,  
Енәж кодьыс дон.  
Тайё... Тайё өтка сиктысь  
Гудёкасьысь зон.

1937 во.

\* \*  
\*

Букыш кымөр өшинь сайын,  
Сяльгө зэр.

Мича дзоридз меным вайис  
Сьёлёмшөр.

Шуа сылы: дзоридз вылысь  
Лысва ва  
Аслам медбур сьыланкылөн  
Чышкала.

Нылөй менам: тэнад мыла [61]  
Сьыланкыв  
Көдзыд, быттьө арся кыа  
Рытьяыв.

Мунан таво. Шогө коля  
Ме төвбыд.  
Вай жө мелі кывйөн колльөд  
Тайө рыт.

1934 во.

\* \*  
\*

Горöда ме сьывны,  
Горöда ме гора,  
Медым кутіс кывны  
Менам милöй дорöдз.  
Горöда ме гора,  
Төв попутнöй, ну вай,  
Лэбзы сьылöм сорөн  
Ылö, Коми муö.  
Медым кутіс кывны  
Сәні менам сьылöм...  
Милöй мелі кывйөн  
Казьтыштас ме йылысь.  
Менам милöй дінöдз  
Сьыланкылöй мунас.  
Муслуныс кө вына,  
Гашкө, эз на вуйöд.  
Гашкө, эз на вунöд...  
Если кө и вунсис,  
Сöмын верма шуны  
Аттö важ муслунсьыс.

\* \*  
\*

Мича лунсьёмёс гажа берөгөд  
Отнас ветлөдліс вадорөд ныв.  
Төвру ювысё неуна серөдіс, *муртса*  
Нывка сьыліс сэн сьыланкыв.

Сійö сьыліс зэв надзöник, чöла.  
Быттьö неуна гажтöм и нор,  
Быттьö кодöскö, казтыліг меліа,  
Корис ас дінас нюмъялігсор.

*1466*  
И ме бокысянь сы вылö видзөдіг,  
Öзйи сьöлөмөн, лачаөн тыр.  
Став том сямлунөн чолөм видзигөн  
Мича нывкалань матыстчи пыр.

Радлун бушкөлөн морөсын гыаліс,  
Сійö сьöлөмлы лөнньны эз сет...  
Кисö чабырті...

Сөмын тай ки улө  
Сынөд кындзиыс немтор эз шед.

*муртсэ*  
Төвру ювывсө неуна серөдіс...  
Ылыс мөвпгьясөн юрвемөй дик.  
Мича лунсьөмөс гажа берегын  
Со тай сулала өтнамөн дзиқ.

1939 во.

\* \*  
\*

Зэв мыйкө көдзыд ывлавылыс,  
Яр төлөн гартчө еджыд лым.  
Мый абу варов, муса нылөй,  
Шөг мөвпөн чукрөдлан синкым?

Мый понда миян жугыль пыкны?  
Мед гажөн ыгыялө том кад!  
Пөсь муслун тэкөд ассым йитны  
Ме эськө нэмчөж вөлі рад.

Но кыдзи, кыдзи?—юрын кылө,—  
Кор мича нывлөн сьөлөм кын,  
А менам морөспытшса билөн  
Оз тырмы сывдны сийөс вын,

1938 во.

\* \*  
\*

Муслун сьёлөм динө инмис  
Меным, от төд ачым кыз.  
Шор пос вылын сулалім ми  
Окаситыр рытивбыд.

Вөлі басни, вөлі сёрни,  
Нывка варов и зэв вөй.  
Янсөдчигөн вөлі сёр нин,  
Но эз бурмы сьёлөмөй.

Өдва аски луныс воис.  
Муса рытыс дыр эз лок.  
Лунтыр морёс пытшкёс сөйисе  
Быттьө рад, и быттьө шог.

Югыдөн на гортысь петлі:  
Қорси этась, корси тась.

Войбыд туй кузя ме ветлі—  
Милйойй эз паныдась.

Юрвем пытшкын чужис полём...  
Аттö, ыджыд мокасътö!  
Часлы, шор пос дорö вола—  
Гашкö, мөдкөд окасбö.

1939 во.

\* \*  
\*

Чужан сиктсѣнь ме челядьдыр коркө,  
Романтизмөн кор тыра юрсадь,  
Блө, лөз горизонт сайө дзоргөмөн,  
Уна пөръяө мөвнавлі тадз:

Әськө вөлі кө мыш сайын борд,  
Вына ләбачөн верми кө лоны,  
Ләблi әськө ме сәтчәнь көть кор,  
Пароходъяс кыс тулысын вооны.

Ставсө төдмалі, видзөдлі, әськө,  
Кутшөм мөдсикас, мөд олөм сән.  
Весиг чужан сикт әновті веськодя,  
Сөмын вөлі мед бордъяслөн шен.

И со мый жө, ми бордассим кадөн,  
Воссис ми водзө став паськыд мир.  
И зәв сы вылө талун радөсь,  
Мый оз төдтөмлун сьблөмъяс йир.

Но кор думыштан, окота кызкө  
Челядь вояссө бергөдны бөр,  
И пыр ёнджыка асланыс кыскёны  
Чужан сикт, тёдса видзму и вөр.

Весиг окота овывлө коркёяс  
Ичөтдырся моз мөвпалігсор,  
Ылө, лөз горизонт сайё дзоргёмөн,  
Мыйкө виччысьны тыдавтөмтор.

1940 во.

\* \*  
\*

Тайё вöвлөмтор оз вун, дерт, дыр.  
Вөлі сэк ар квайт мен либё сизим.  
Шөрлөсінса челядь, кыз и пыр,  
Кывтыдпомсаяскөд лөглун видзим.

Төвся либё гожеся рытъясё эг өтчыд  
Кулакъясөн пөсь тыш вылө петлөй,  
Сюрлывлі, дерт, мидорсалы пөттөдз,  
Но и ми зэв уджйөзөн эг ветлөй—  
Вильшасьлім и косясьлім быдног.

Кывтыдпомын медся вильшөн кык вок  
Вөліны сэк—землемерлөн пиян—  
Медся төдчанаджык „врагъяс“ миян.  
Мый шуны, детинкаяс вөліны зэв  
збойбсь...


Но коркө өтчыд сиктө пөрөс вок...  
Висьмисны кык вок...


И нипѣм тѣдтѣг  
Ѧта-мѣд бѣрсяе кувсисны.

Шог пѣдтѣ  
Миянѣс сѣк, кладбищелань кор  
Вѣла-дѣддя нуе ичѣтик кык горт...  
Кутшѣм тайѣ кажитчис зѣв дѣна  
Воштѣмыс!  
Кѣтъ лѣгавлѣм вель ѣна!

1940 во.







## МЕДВОДЗА ЛЮБОВЬ

### 1

Мыйдта мөвпъяс быдямасö вайö  
Казытылöмыс, кызди челядьдыр  
Коркö ставөн олём содйöд кайим  
Томлуныскöд панъясялигтыр.

Сийö кадыс кольöма вель ылö,  
Öнi эм вель оланног,

Вель мог,

Но том кадöс казытыштигөн кылö,  
Быттьö сьёлём бердын вөрзёö шог.  
Сöмын тайö шогыс абу курыд,  
Сы вöсна, мый рад кöть абу рад,  
Кызд и мөвпъяс вежласьöны юрын—

Лэбзьö бөрö мортлөн олан кад.  
Сійöс некор нинöмөн он бергөд,  
Но и некор некодлөн оз вун,  
Кызд оз вунөд некор енэж эрдö  
Шондi кыа петавны быд лун.

Гриша ёрткөд овлим чужан сиктын.  
Кызди олö öтлаын кык вок,  
Быттьö öтмоз сьöлёмьясным тiпкис —  
Öти нога вöли гаж и шог.  
Öти мог ми челядькадысь корсьлим,  
Öткодь муса — вадор керöсвыв,  
Öти ворсанторйөн öтвыв ворслим,  
Öтвыв сьылим öти сьыланкыв.

Гашкö, öти кодзув улын чужлим,  
Кор ми костын лөгалём эз ов,  
Весиг видзны вензывлытöг кужлим  
Öти нывка динö

Кыкнанлысь „любовь“.

Еджыд синлысьяса, збыльнöй Таня  
Миян вöли стрöг,  
Но зэв бур ёрт...

Коркö сылы, кажитчö, зэв шаня  
Öтнас дырйи шуи татшöмтор:

— Ме нин ачым абу вывти ичöt,

Тöда, мыйтор колö и оз ков...

Меным сэтшöм кажитчан тэ мича,

Абу жаль тэ понда сетны лов.

Вывти ёна Гриш сайö эн тэрмась...

Кöть и абу шыбытана морт,

Öдва кö öд сийö коркö вермас

Тәнө, Тая, радейтны ме моз...  
—Тырмас!—Тая кельдөдөмөн шуис,—  
Мөдысь татшөм сөрни вай эн пай...—  
«Сәсея пышйис...

«Сьөлөм збыльысь пуис,  
Вирсер өзйис менам чужөмбаи.

---

Кыдзи пуө зонлөн коньөр сьөлөм,  
Коді төдас,  
Аддзас кутшөм ног,  
Кодыр томкад быдлун тшөктө вөлі  
Ғажлун сайө сайөдны сиршог.

## 2

Томлун гыис морөс пытшкын яра,  
Мышку сайын вөлі дас квайт ар,  
Еджыд ноңйөн велөдчыны карө  
Мөді өтнаи.  
Вөлі зәра ар.  
Коли чужан сикт,  
И муса өртъяс;  
Коли Гриша,  
Коли муса ныв...  
Мый ог-волы сизим во чөж гөртө,  
Менам сьөлөм сәки эз на кыв.  
Эг на төд, мый чужан сиктөй вунлө,  
«Сьөлөм аддзас мөдлаысь выль гаж,

Мый му вылын мича нывъяс уна,  
Выль мог дырйи регыд вунö важ.  
Кыдзкö регыд верстьöасян öнi,  
Öдйö гартчö мян олөм вез.  
Он на эшты челядьтуйтö венны—  
Оз нин томөн артавны бур йöз.  
Морöс бердысь торъялан—  
Он төдлы:

—Лойс вердысь,—шуй пöрысь мам...  
Но мый пöттöдз челядьлунысь шедлö—  
Сьөлөм бердсыд нэмчöжыд оз ям.

---

Вояс исковтiсны  
Выль вояслы воча,  
И быд лунлөн важ серти мөд сям.  
Пöрысь кисер туйөн, кöть и шоча,  
Гортсянь юөр ыстывлывлiс мам:  
„Олам бура,  
Сöмын мукöддырйи  
Кыдзкö морöс пиын чужлö шог,  
Мыйла ачыд, пиук, этадыра  
Некор талань он волы, он лок.  
Гөгөрво тэ, бырö кыззи гажöй,  
Тайö тулыс гортö волы дзик.  
Төдан, öнi колхозынöсь важөн  
Öти морттöг, дзоньнас мян сикт.  
Велöдчöма йöз тан абу лишка,  
Гортын эськö тэныд вывти бур,  
Тэнад челядьдырся ёртыд—

Гришка—

Вёлбсть улын öнi медсюсь юр.

Со и Таня...

Мёддö во нин гортын,

Тождö велöдчыштіс—

Велöдö нин тан,

Таныд эськö зэв шань вöлі гöтыр,

Водзджык Гриша вайны кö оз пан...

...Тöвся войяс пöрысьлы зэв кузбöсь,

Мукöддырйи ньöти оз лок ун,

Частö мөвпөн шогсьывла тэ кузя,

Абу тэтöг меным долыдлун“...

Быдса во чöж новлөдлiгөн сьöрын

Мамлөн письмö сотіс сьöлөмдін.

Öнi вöлись

Сизим тулыс бöрын

Видзöдлыны локта чужанін.

### 3

Татшöм мөвпъяс бергалісны юрын,

Ягвыв туйöд гортлань тувчигсор.

Гуся радлун чужи сьöлөм улын,

Төдса ыбъяс тыдовтчисны кор.

Джуджыд сюяс көпрасисны йöрын,

Төвру öвтiс мулысь чужöмбан.

Кутшöм лөсьыд!

Ветлөм-мунөм бöрын

Став зэв төдса кажитчö на тан.

Долыд серпас синъяс водзö сувтö,

«Ставыс казътö челядьдырся кад...  
Век на важмоз  
Дугдывлытöг шувгö  
Вадор мылькйын ичöt кыз пу сад,  
Муса сад!  
Веж рömön тырöm ывла,  
Ызгысь Эжвабердса керöсывв!..  
Тані первой заводитлі нывкöд  
Любовь йылысь панны сёрникыв.  
Радейтліс-ö сійö коркö менö,  
Вай жö висьтав,  
Шаргысь кыз пу лист...  
«Ог төд кутшöм мөвпъяс видзö öнi,  
Кызди паныдалас  
«Сизим тулыс мысть?»

---

Коркö кадö томöсь вöлім быдөн,  
Эз пыр öти сьылöм  
Сьöлöм кыв.  
Визув кадö пвдзöс вылын рытын  
Эз пыр öти пукавлывлы ныв.  
Нывъяс радейтлісны миянöс эз этша,  
Эз вöv некор кöдзыд морöс пытш,  
Сöмын эз вöv муса некод сэтшöм,  
Первойя ныв муса вöлі кызд!  
Мед нö колип виль сьыланкыв сьылö,  
Важся кöсйöм вильмöдны оз ков,  
Мед виль муслун сьöлöм вылын кылö,  
Но пыр муса медводдза любовь.

---

Со и воис менам чужан сиктöй,  
Регыд матысь аддза чужан горт.  
Морöс пытшкын сьöлөм ёна тiнкö,  
Тöдсаджык кор здоровайтчö морт.  
Вот и Таня!..

Тәнö-ö ме аддза?

Тә-ö лэдзан мулань муса син?

Эг öд кöдзыд сьöлөмөн во татчö,

Эз öд муслун нинöм мында чин.

— Век на, Таня, сэтшöми тә...

Важкодь!..

— Мый нö лоас мекöд?! Он öд веж  
Мортлысь ногö.

— Верöссайын, гашкö?

Кывлі: Гриша вöтлысьöм дырчöж...

— Абу, абу! Гриша абу тани...

Шөгöс тöдтөг сьöлөмöс эн дөйд...—

Джөмдiс Таня.

Кельыд чужöмбанöд

Ковта вылö лэччис синва войт...

Öтнам коли туй вылö ме шемöс,

Мунис Таня...

Водзö нем эз шу.

Сылөн кывъяс йиджисны дзик вемöдз...

Юрын жувгис гөгөрвотöм шум...

Ме эг тöд,

Мый лоö ставыс тайö,

Быри аслам эбöслун и сям...

Гриша йылысь гортса пызан сайым  
 Висьталіс менталун пöрысь мам:  
 — Кольöм арö армияö коллим  
 Видзны врагысь чужан му и вөр...  
 Вöлöсть улысь мунлісны дас нельöн—  
 Дас куимöс виччысьöны бөр.  
 Быдөн пöся радейтлім ми татөн,  
 Сійö мян некор оз вун, оз.  
 Вöлі том,  
 Но зэв зіль председатель,  
 Быдтис сиктын озыр, ён колхоз.  
 Сылөн юөр мян вöлі дона,  
 Татчö сійö волö вöлі кор.  
 Кык во мысти көсейсис зэв ёна  
 Ас колхозö Гриша локны бөр.  
 Но вот öтчыд...  
 Тулыслань нин вöлі...  
 Воис сиктö гажтöм юёртор:  
 ....Дугдис вөрны морöсын том сьöлөм,  
 Уси косьын тиян Гриша ёрт.  
 Вöлі збой и пыр медводдза радын,  
 Сьöкыд йылысь эз вöv кыв ни джыи...  
 Сöмын öтчыд кывкутан нарядын  
 Врагкөд паныд эзджык тырмы вын.  
 Даскөд воча  
 Сійö вöлі öтнас,  
 Но том сьöлөм нинöмысь эз пов.  
 И граница сайö врагöс петны

Эз лэдз... Сөмын  
Пуктіс ассыс лов.  
Олас нәмсө медым сылөн слава,  
Сы моз кувны быдөн өні дась.  
Сійө нимөн ассыным застава  
Шуим водзө нимтыны ми тась...“  
...Абу миян Гриша өні татөн,  
Сөмын некор миян оз вун, оз.  
Вөлі том,  
Но зэв зіль председатель,  
Быдтіс сиктын озыр, ён колхоз...

5

Синмын чужи пемыд...  
Сьёлөм поксис...  
Ог төд—  
Вөлі пемыд рыт-ө вой...  
Ог төд, кызди вадор садьё локсис.  
Морёс бердысь пальёдыштны дой...  
„Муса ёрт,  
Сук думөн юрөй ёнтө...  
Менам олөм тэысь, гапкө, руд,  
Сөмын шуа:  
Чужан муным понда  
Вирвойт сетны лыддя ассым шуд.  
Томсянь тэнад вөлі пөсь зэв сьёлөм.  
Олін яра...  
Пөсь удж—тэнад эрд...  
Бура помалін и ассыд олөм,

Кыдзи колө,  
Паныдалін смерть...“  
Но вот кодкө бердліс пуяс бокті..  
Еджыд платье...  
— Таня, тайö тә?  
Кутищөм бур, мый татчө тожө локтин,  
Кыв-мөд колө висьталыштны тән.  
Төдан ачыд,  
Вөлі первой ёртөн  
Меным коркө Гриша...  
Тайö шог  
Көть и ёна менсым сьөлөм дойдө,  
Мед оз некор жугыльт оланног.  
Быдмим öтилайн—  
Тә и ме и сийö.  
Төда—  
Прөста синватö он кисьт.  
Вай жö öтвыв олөмнымөс сиям  
Водзö нуны сылысь оланвизь...—  
Мыйкө нөшта висьтавлі ме дыр на,  
Весиг быдөн тырлі быттö лов...  
Шуис Таня важмоз:  
— Тырмас,  
Ставсö төда, висьтавлөм оз ков.  
Öні меным кажитчө зэв яндзим,  
Кыдз тай öнтай синваасьліс син..  
Сөмын кывзы,  
Мыйөн тәнö аддзи,  
Ог төд, мыйла, кытчө воши вын.  
Ме эг көсйыв некор сэтчөдз воны.

Сөмын,  
Кыдзкө-мыйкө сійө здук...  
Төдан,  
Гришөс радейтлі ээв ёна...—  
— Таня, збыльысь?  
Эз вөв некор дум...  
— Мыйла? Тани  
Сыысь кындзи меным  
Кажитчысь морт некоді эз вөв,  
Дай ог каитчы...—  
И Таня лөнис.  
Сөмын сьөлөм тпнкөм торкис чөв.  
— Тэ дзик некор, Таня,  
Менө, дерт, эн радейт?  
— Ме ог төд.  
Ті быттьөкө кык вок  
Вөлінныд, кор  
Коркө тайө садйын  
Шуин меным: „муса“... гусьөнног.  
И ме немтор висьтавыны эг слөймы—  
Вөлі сәки вывті том и дик.  
Сійөн, дерт, мый өтилаын сөвмим,  
Өткодь мусаёсь ті вөлід дзик.  
Сөмын өні...  
Сійө абу сёрни...  
Өтчыд мынысь мөдпөрийө оз шед,  
Мен тэ өні мусаммыны сёр ний,  
Оз ло некор прамөй муса—мөд...

Важөн кыа вөрпу сайё кусі,  
 Оз нин сылөн югөр сацийё во...  
 „Мен тә, Таня, важмоз ёна муса,  
 А ме кӧдзыд тән—  
 Кыдз тайё вой.  
 Сідзкӧ сёрни сідзжӧ сӧмын кӧдзыд  
 Вермис лоны өні миян кӧст...“

---

Эг нин виччысь гожӧм пом,  
 И регыд—  
 Коли чужан сиктӧс и колхоз.  
 И вот бара на дінсянь зэв ылын,  
 Кӧні менам мӧднӧлӧс эм мог,  
 Кӧні сьӧлӧм мӧд сьыланкыв сьылӧ  
 Да мӧд серӧн гыӧ оланног.  
 Кышyd уджын кадыс ӧдйӧ лӧбзьӧ,  
 И пыр выльысь-выльӧн ачyd рад.  
 Уна важ шог вулӧ, муслун небзьӧ.  
 Сӧмын  
 Визув вывтӧ нин томкад!  
 Ок, и Таня, Таня!  
 Тӧрыт воис  
 Пӧрысь мамсянь гижӧд бара мен:  
 Мунӧма пӧ Таня верӧссайӧ,  
 А код сайӧ?..  
 Абу индӧм сән.  
 Кутшӧм мог мен сьӧдз, збыль кӧ шуны?

Лӧг ни вежӧктӧм ме морӧсын ог кут.  
Оз кӧ кузя сийӧ вермы вунны—  
Коли сӧмын шуны налы шуд.  
Сӧмын шуд!  
И некор мед оз торксы  
Збой томкадлӧн кышд сылапкыв,  
Медым кужим радейтӧмӧн коркӧ  
Гриша йылысь казтыштны ӧтвыв.

1938 во.

# ЮРИНДАЛЫСЬ

## I. Менам праздникъяс

Ыджыд нимлун . . . . .	5
+ Праздник асылö . . . . .	7
+ Демонстрация бöрын . . . . .	9
+ Первой Май . . . . .	11
+ Тувсов стих . . . . .	13
+ Поэт . . . . .	14
+ Менам шудлун . . . . .	16

## II. Серпасъяс

+ Киссьöм доддын олöмыс кор мунис . . . . .	21
+ Асъя серпас . . . . .	23
+ Паськыд енэжыс . . . . .	25
+ Страдна сыланкыв . . . . .	27
+ Лыжи вылын . . . . .	29
+ Туй вылын . . . . .	31
+ Тöлыся войö . . . . .	33
+ Рöмыд рытö кыа кусö . . . . .	35

## III. Ывлакöд öтвыс

+ Рытъя кыа лöнькöд тэ он рöдмы . . . . .	39
+ Пемыд вөр, тэнад кöниджык пом? . . . . .	41
+ Лöнь войö . . . . .	42
+ Бушков . . . . .	44
+ Тулыс . . . . .	45
+ Волис ар... и со жугыльтис мусö . . . . .	46
+ Арся войын . . . . .	48
+ Ылö лэбöны . . . . .	50

## IV. Сьöлöм косьтöм

+ Öтка зон . . . . .	53
+ Букуш кымөр öшинь сайын . . . . .	58
+ Горöда ме сывны . . . . .	59
+ Мича лунсьöмöс гажа берегöд . . . . .	60
+ Зэв мыйкö кодзыд ывлавылыс . . . . .	62
+ Муслун сьöлöм динö инмис . . . . .	63
+ Чужан сиктсынь ме челядьдыр коркö . . . . .	65
+ Тайö вöвлöмтор оз вун, дерт, дыр . . . . .	67

## V. Медводдза любовь

Медводдза любовь . . . . .	71
----------------------------	----

5

Доныс 4 шайт